



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De puerulo, qui hostiam non benedictam corpus non esse Domini
deprehendit, cap. 44.

urn:nbn:de:hbz:466:1-13177

tur, si ipse Dei filius sub eodem sacramento tam ~~re~~
raciter & tam gloriose percipitur, & ex ipsa percep-
tione charitas intenditur, amodo libentius commu-
nicabo. CÆSARIUS: in sacra Eucharistia quam mul-
tiplex sit gratia, quam multiplex virtus & medicina,
subiecta declarabunt exempla.

CAPUT XLIII.

Effetus aliquot miri S. Eucharistie.

MAgister Mauricius Parisiensis Episcopus ante mortem suam tam grauiter infirmatus est, ut materia rapta in cerebrum sensum ei subtra-
xerit: in tali defectu positus, cum corpus Domini cum instantia postulasset, & hi qui circa eum erant, propter sensus inopiam, illud ei dare non auderent, procuraerunt cum sacerdote, ut hostiam non benedictam apportaret. Qui cum venisset cum multa reuerentia, qualiter decebat Episcopum communicare, mox ut limen domus sacerdos attigit, Episcopus clara voce clamauit: Tolle, tolle, non est Dominus Deus. Reuelauerat Deus auriculæ eius, ut intelligeret quid circa se ageretur. Stupente sacerdote, nec non & alijs qui aderant, reuersus est, verum Christi corpus defens. Quod cum verbis catholicis valde, atque compunctus adorans, deuotè suscepit, cum quo & sensum ad Dei gloriam subtractum perfectè recepit. Sicque in bona confessione, plenus fide & charitate, migravit ad Dominum.

CAPUT XLIV.

P/sal. 8.
Simile cōtigit cuidam infantulo, sicut fratres eius carnales, Ludolphus & Henricus monachi nostri, mihi narrauerunt: qui cum infirmaretur, Spiritu sancto afflatus, corpus Christi sibi dari petiuit: cumque eum parentes compescerent, ille fortiter clamauit: Date mihi corpus Domini. Delatum est verbum ad sacerdotem, qui cum diceret, non est secundum tali puero, qui non intelligit quid sit, dare corpus Domini, hostiam ei detulit non benedictam. Quā cum ei porrigeret vellet, & diceret; Ecce hīc est corpus Domini, ut Dominus ex ore infantis perficeret laudem, & destrueret perfidiam multorum, qui de eodem

sacra-

sacramento male sentiunt, inspirauit puerō vt respōderet: Quare me vultis decipere? nō est corpus Domini quod mihi offerris. Ad quod verbum sacerdos admirans, & puerō aliquid diuinitus inspiratum arbitrans, sacram ei cōmunionem attulit, quam ille deo-
tē satis suscepit. APOLLONIVS: Sicut considero, per desiderium Eucharistiae vterque istorum meruit spiritum prophetiae. CÆSARIVS: Tantæ virtutis est illius desiderium, vt per spiritum quidam etiam reuelationibus illustretur; verbi causa.

CAPVT XLV.

COnuersus quidam de campo Sanctæ Mariæ, ^{Mariæ} _{felt.} cūm in quādam solennitate peteret a magistro suo licentiam eundi ad monasterium gratia communicandi, & ille non concederet, cæteris euntibus, ipse tristis remansit, habebat enim maximum desiderium communicandi. Eadem nocte & sequenti die omnia, quæ intra monasterium spiritualiter a-
gebantur, diuinitus ei sunt relata: & licet absens esset corpore, spiritu tamen præsens fuit, communicans spiritualiter, et si non sacramentaliter. Reuersis fratribus, ipse eis per ordinem indicauit, quis Missam maiorem celebrasset, quis legisset epistolam, quis Euangelium: similiter ad vigilias, qui monachi, quas lectiones, vel quæ responsoria cantassent, cunctis mirantibus exposuit. APOLLONIVS: Quantum ex hoc loco conjicio, non benefaciunt, qui tam salubre desiderium impediunt. CÆSARIVS: Hoc verum esse, sequens narratio declarabit.

CAPVT XLVI.

QVædam religiosa virgo, sœcularis tamen, cūm a sacerdote suo corpus Domini peteret, ille iratus cum indignatione respondit: Vos mulieres semper vultis communicare secundum libitum vestrum, & non dedit ei. Illa verò per totam Missam, & postea, diu in ore & in gutture suo tantam fessit dulcedine, vt nō dubitaret adesse totius dulcedinis auctore. Eadē virgo cu die quadā ex remoto defer-